



REPUBLIKA E SHQIPËRISË

**AGJENCIA E MENAXHIMIT TË GARANCIVE DHE KREDIVE TË PAKTHYERA
SEKTORI I FINANCËS DHE BUXHETIT**

Nr. 1516/1 Prot.

Tiranë, më 27 10 2024

Lënda: Mbi raportin e monitorimit për 4 mujorin e parë të 2024

**MINISTRISË SË FINANCAVE
DREJTORISË SË BUXHETIT DHE MENAXHIMIT FINANCIAR**
Adresa: Bulevardi "Dëshmorët e Kombit", Nr.3
Tiranë

Bazuar në ligjin nr.55/2023 "Për Agjencinë e Menaxhimit të Garancive dhe Kredive të Pakthyer", ligjit nr.97/2023 "Për buxhetin e vitit 2024", udhëzimit nr. 9 datë 20.03.2018 "Për procedurat standarte të zbatimit të buxhetit", udhëzimit nr.14, datë 30.05.2023 "Për procedurat standarte të monitorimit të buxhetit në njësitë e qeverisjes qendrore", shkresës nr. 6283/2 prot. datë 15.05.2024 e administruar në AMGKP me nr.1516 prot., datë 22.05.2024, është kryer monitorimi i zbatimit të buxhetit për Agjencinë e Menaxhimit të Garancisë dhe Kredive të Pakthyer për 4- mujorin e parë të vitit 2024.

1. Hyrje

Agjencia e Menaxhimit të Garancive dhe Kredive të Pakthyer, (AMGKP), është person juridik publik, buxhetor, në varësi të Ministrit përgjegjës për financat, i krijuar sipas Ligjit nr. 55/2023, "Për Agjencinë e Menaxhimit të Garancive dhe Kredive të Pakthyer", i cili ka hyrë në fuqi në datën 01.01.2024.

Monitorimi i zbatimit të buxhetit për 4-mujorin e parë të vitit 2024 për AMGKP-në përfaqëson procesin e vlerësimit të performancës së fondeve buxhetore, nëpërmjet krahasimit të treguesve faktikë të performancës me ato të planifikuar. Strukturat e AMGKP-së kanë kryer monitorimin e treguesve buxhetorë me qëllim ndjekjen e objektivave të synuar. Nëpërmjet këtij raporti monitorimi, evidentohet niveli i realizimit të fondeve buxhetore të institucionit

në krahasim me planin e miratuar. Analiza e raportit të monitorimit të zbatimit të buxhetit vjetor i mundëson institucionit orientim dhe sigurimin e një informacioni shtesë për të përmirësuar procesin e planifikimit dhe të menaxhimit të buxhetit. Ky raport do të shërbejë si një pasqyrë e rëndësishme përmes së cilës institucioni do të synojë lidhjen e kostove buxhetore me produktet e performancës, si forma më e mirë e buxhetimit dhe vlerësimit financiar të ecurisë të institucionit.

2. Informacioni buxhetor

Me anë të shkresës nr.23989/3 prot. datë 08.02.2024, e administruar në AMGKP me nr.346 Prot, datë 21.02.2024 është dërguar miratimi i detajimit të shpenzimeve korrente për vitin 2024.

E.Q	M.L	Kod inst	Emërtim Institucioni	Kap	Kod.Prog.	Llog ekonomike	Kod thesari	Kod produkti	Emertimi i Produkti	Shuma në lekë për vitin 2024
001	10	1010324	AMGKP (Ish ATK)	01	01120	6000000	3535	91002AE	Kontrata të Garancive dhe Kredive të Pakthyer	42,000,000
001	10	1010324	AMGKP (Ish ATK)	01	01120	6010000	3535	91002AE	Kontrata të Garancive dhe Kredive të Pakthyer	7,000,000
001	10	1010324	AMGKP (Ish ATK)	01	01120	6020000	3535	91002AE	Kontrata të Garancive dhe Kredive të Pakthyer	5,000,000

Artikulli 600 për paga është miratuar në shumën 42,000,000 lekë, artikulli 601 për sigurime shoqërore dhe shëndetësore është miratuar në shumën 7,000,000 lekë dhe artikulli 602 për mallra dhe shërbime është miratuar në shumën 5,000,000 lekë.

Me anë të shkresës nr. 23989/4 datë 08.02.2024 “Mbi miratimin e detajimit të limitit mujor për vitin 2024” për artikullin 600+601 për 4- mujorin e parë janë miratuar 18,333,336 lekë, ndërsa për artikullin 602 për 4-mujorin e parë janë miratuar 4,200,000 lekë nga 5,000,000 lekë të miratuara për gjithë vitin 2024.

Gjatë 4-mujorit 2024, këto burime financiare AMGKP i ka përdorur në funksion të përbushjes së plotë të detyrimeve të miratuara me ligj. AMGKP ka një produkt me emërtim “Kontrata të garancive dhe Kredive të Pakthyer”.

Në vijim paraqiten, në mënyrë të përmbledhur, treguesit e realizimit të fondeve buxhetore për këtë periudhë, nëpërmjet krahasimit të treguesve faktikë me ata të planifikuar.

Tabela 1: Raporti përmbledhës i shpenzimeve*Në lekë*

Emërtimi	Buxheti vjetor (Plani)	Buxheti 4-mujor (Plani)	Realizimi 4-Mujor (Fakti)	Realizimi në %
Shpenzime Korente	54,000,000	22,533,336	10,091,235	45
Shpenzime Kapitale	0	0	0	0
Totali	54,000,000	22,533,336	10,091,235	45

Shpenzimet korente janë planifikuar për 4 mujorin e parë në shumën 22,533,336 lekë dhe janë realizuar në masën 45%. Mosrealizimi i plotë i shpenzimeve korrente ka ardhur si pasojë e ristrukturimit të Agjencisë dhe nuk mund të depozitohet në thesar firma e nëpunësit autorizues dhe zbatues, pasi si një institucion i ri buxhetor, nga Dega e Thesarit Tiranë kërkohej emërimi i drejtorit.

Për vitin 2024 nuk janë miratuar shpenzime kapitale.

Në mënyrë analitike, performanca e realizimit të shpenzimeve për këtë periudhë, për AMGKP-në, paraqitet si në vijim:

Tabela 2: Realizimi i buxhetit sipas artikujve ekonomikë*Në lekë*

Artikulli	Emërtimi	Buxheti vjetor (Plani)	Buxheti 4-mujor (Plani)	Realizimi 4-Mujor (Fakti)	Realizimi në %
600+601	Paga dhe Sigurime	49,000,000	18,333,336	9,883,509	53.91
602	Shpenzime për mallra dhe shërbime	5,000,000	4,200,000	207,726	4.95
231	Shpenzime kapitale	0	0	0	-
	TOTALI	54,000,000	22,533,336	10,091,235	45

Artikulli 600 dhe 601, “Shpenzime personeli”, buxheti vjetor i alokuar në fillim të vitit 2024 për këtë zë është 49,000,000 lekë, buxhet i cili do të mbulojë nevojat e institucionit në fushën e pagave për të gjithë vitin, sipas dispozitave ligjore në fuqi. Buxheti i detajuar në shpenzime personeli për periudhën janar-prill 2024, është 18,333,336 lekë. Realizimi paraqitet në vlerën 9,883,509 lekë ose 53.91% të planit 4 mujor.

Për sa i përket numrit të punonjësve me urdhërin nr.17 datë 25.01.2024 “Për miratimin e strukturës dhe të organikës së Agjencisë së Menaxhimit të Garancive dhe Kredive të Pakthyera”, numri i punonjësve të AMGKP-së do të jetë gjithësej 30 veta. Gjithashtu me VKM Nr.39, datë 24.01.2024, “Për përcaktimin e numrit të punonjësve me kontratë të

përkohshme, për vitin 2024, në njësitë e qeverisjes qendrore”, për institucionin tonë janë miratuar 4 punonjës me kontratë 6 orë. Mesatarja e plan/faktit për numrin e punonjësve janë 28 persona nga 34 persona gjithësej.

Artikulli 602, “Shpenzime për mallra dhe shërbime të tjera”, buxheti i miratuar në fillim të vitit në këtë artikull për vitin 2024, është 5,000,000 lekë

Artikulli 602 për shpenzime mallra dhe shërbime nga 4,200,000 lekë që është planifikuar për 4 mujorin e parë është realizuar në masën 4.95%. Shpenzimet për artikullin 602 kanë qënë shpenzimet më elementare për institucionin si energji elektrike, ujë, shpenzime postare, pagesë telefon muaji fiks dhe taksa bashkie.

Shpenzime e artikullit 602 të detajuara si më poshtë vijon:

Në lekë

Artikulli 602	Realizimi 4- mujor
Shpenzime shërbime postare	55,645
Shpenzime energji elektrike	109,969
Shpenzime Domain	5,000
Shpenzime ujë	9,612
Shpenzime telefoni fiks	12,000
Shpenzime taksa bashkie	15,100
Shpenzime gjyqi	400
TOTAL	207,726

Realizimi i fondit në masën 4.95% ka ardhur si rezultat i mospagesës të qirasë, për shkak të mosobligimit të kontratës për vitet 2024-2026 për pamjaftueshmëri fondi. Me shkresën nr 1095 prot datë 02.05.2024, është njoftuar përfundimi i kontratës të qirasë në datën 31.12.2024.

Me shkresën nr. 1120 Prot., datë 09.05.2024 është bërë kërkesë për rialokim fondi nga artikulli 600+601 në artikullin 602 në vlerëm 3,908,000 lekë, duke qënë se artikulli 602 për vitin 2024 është miratuar në vlerën 5,000,000 lekë, fond i pamjaftueshëm për pagesën dhe regjistrimin e kontratave që janë mbartur që nga vitet më përpara. Vetëm vlera e qirasë ku institucion ushtron aktivitetin është në vlerën 4,712,400 lekë.

Gjithashtu AMGKP më anë të shkresës nr 346/3 Prot datë 20.05.2024, ka kërkuar shtesë fondi për artikullin 602 në vlerën 8,978,000 lekë.

Për 4- mujorin e parë nuk është kryer asnjë procedure prokurimi.

Arkëtimet nga debitorët

Agjencia e Menaxhimit të Garancive dhe Kredive të Pakthyera një ndër objektivat e saj ka dhe mbledhjen e kredive të ish bankave të nivelit të dytë me kapital shtetëror dhe investimet ne banesa nga INSIG sh.a.

Sipas shkresës nr 23022/1 prot. datë 14.02.2024 mbi operimin e llogarive bankare të arkëtimit të detyrimeve të huamarrësit llogaritë ekzistuese në monedhat lekë, euro, usd në emër të kësaj agjencie do të operojnë sipas praktikës të deritanishme për arkëtimet e debitorëve të krijuar para datës 31.12.2023.

Plani për mbledhjen e arkëtimeve për vitin 2024 për debitorët e transferuar nga ish-bankat me kapital shtetëror dhe Insig është vendosur në shumën 80,000,000 lekë. Ndërsa plani për 4 – mujorin e parë të vitit 2024 është 21,200,000 lekë.

Plani është realizuar në masën 36.7 %.

Arkëtimet për vitin 2024 për periudhën Janar-Prill janë 7,781,107.7 lekë.

Agjencia po ndjek procedurat e ndryshimit të emrit dhe depozitimit të firmave të nëpunësit autorizues dhe zbatues sipas shkresës nr. 4546/1 prot datë 08.04.2024 “Për caktimin e përkohshëm të nëpunësit autorizues dhe Zbatues për Agjencinë e Menaxhimit të Garancive dhe Kredive të Pakthyera, për të kryer derdhjet në buxhet në zbatim të nenit 3, kreut 2, të ligjit nr 55/2023 “Për Menaxhimin e Garancive dhe Kredive Shtetërore të Pakthyera”.

3. Performanca jo-financiare e programit buxhetor

Misioni i AMGKP-së është: Sigurimin e menaxhimit të skemave të veçanta të garancive të huasë dhe trajtimin e kredive të transferuara nga bankat tregtare të nivelit të dytë me kapital tërësisht shtetëror pas privatizimit të tyre, në përputhje me rregullat e përcaktuara në ligjin nr.55/2023, “Për menaxhimin e garancive dhe kredive shtetërore të pakthyera”.

Përshkrimi i Produktit: “Mbledhja e detyrimeve të huamarrësve kundrejt Ministrisë së Financave si rezultat i pagesës së garancive dhe detyrimeve të Ish bankave me kapital shtetëror”.

Qëllimi Politikës së Programit: “Menaxhimin e skemave të veçanta të Garancive të huasë, mbledhjen e detyrimeve të kredive të transferuara nga bankat tregtare të nivelit të dytë me kapital tërësisht shtetëror pas privatizimit të tyre”.

Objektivat e Agjencisë:

- Mbledh detyrimet e huamarrësve kundrejt ministrisë përgjegjëse për financat për detyrimet që kanë lindur si rezultat i pagesës së garancive nga ministria përgjegjëse për financat dhe si rezultat i marrëdhënies së huadhënies e nënhuazimit të fondeve;
- Verifikon dhe konfirmon përmbushjen e kërkesave të marrëveshjeve të garancisë në tipat e kontratave bankare;
- Administron informacionin dhe dokumentacionin e skemave të veçanta të garancisë;
- Monitoron shlyerjen e detyrimeve të huamarrësve ndaj ministrisë përgjegjëse për financat për pagesat e kryera nga kjo e fundit, në kuadër të marrëveshjeve të garancisë;
- Kryen mbikëqyrjen e kushteve financiare të të gjithë huamarrësve, që kanë marrë garanci nga skemat që ajo menaxhon dhe u kërkon huamarrësve informacionin e nevojshëm për realizimin e kësaj mbikëqyrjeje.
- Mban, menaxhon dhe përditëson bazën e të dhënave dhe regjistrin analitik të garancive që menaxhon

Tregues i performancës i projektuar për të matur rezultatin e lidhur me objektivat janë:

1. *“Numri i debitorëve të trajtuar duke ezauruar rrugën gjyqësore dhe përmbarimore deri në likuidimin total të detyrimeve”*
2. *“Numri i kredive të mbyllura në raport me numrin e kredive në trajtim”.*
3. *“Numri i çështjeve të trajtuara për thirrjen e Garancisë si dhe trajtimi i nënhuave”.*
4. *“Përqindja e uljes të portofolit në trajtim”*

Detyrat e realizuara

- ✓ Për muajin Janar-Prill janë bërë 24 kërkesa për mbyllje nga debitorët e ish bankave të Nivelit të dytë me kapital shtetëror dhe plani është realizuar në masën 100 % ku janë mbyllur me vendim drejtorie 24 debitorë.
- ✓ Është ulur portofoli në trajtim me 7,781,107.7 lekë për debitorët e transferuar t ëish-bankave të nivelit të dytë.

- **Sektori i Ndjekjes së Procedurave Juridike dhe Operacionale**

- ✓ Nga ana e sektorit të Ndjekjes së Procedurave Juridike dhe Operacionale janë ndjekur procedurat për kthimin e kredive për kreditë e transferuar nga bankat e nivelit të dytë me kapital shtetëror.
- ✓ Në kuadër të procedurave për kthimin e këtyre kredive nga ana e sektorit të Ndjekjes së Procedurave Juridike dhe Operacionale janë dërguar 430 “Njoftim për shlyerje detyrimi”, janë përgatitur 21 kthim përgjigje për kërkesat e ndryshme të

debitoreve, janë përgatitur 2 deklarata mbrojtje si dhe janë ndjekur 25 seanca gjyqësore në rrethe të ndryshme të Shqipërisë.

- **Spektori i Verifikimit të Kërkesave të Garancisë dhe Konfirmimit të Kontratave**

- ✓ Janë trajtuar dhe ndjekur 5 raste të thirrjes së garancisë nga Bankat e Nivelit të Dytë, prej të cilave, pas verifikimit të përmbushjes së kushteve sipas Marrëveshjes së Garancisë, është kryer pagesa nga Ministria e Financave për subjektin “Beni” shpk, përfitues nga skema e Garancisë Sovrane Nr. 2, pranë Bankës “Procredit”
- ✓ Është trajtuar një kërkesë për rifinancim të kredisë brenda skemës së garancisë, e cila pas verifikimit nuk përmbushte kushtet sipas Marrëveshjes së Garancisë.
- ✓ Janë trajtuar 3 raste për të cilat është kryer pagesa nga Ministria e Financave dhe vazhdimisht është kërkuar informacion Bankave lidhur me veprimet e kryera për rekuperimin e detyrimit.
- ✓ Janë dërguar “Njoftim për kthim detyrimi”, drejtuar subjekteve për të cilët është kryer pagesa e garancisë nga Ministria e Financave, duke i bërë me dije mbi dispozitat ligjore.
- ✓ Janë trajtuar dhe ndjekur marrëveshjet e nënshkruara dhe huave buxhetore të marrë në dorëzim nga Ministria e Financave, ku janë dërguar rreth 65 “Njoftim për shlyerje detyrimi”, prej të cilëve kanë paguar 10 subjekte kredimarrëse.
- ✓ Janë evidentuar problematikat e hasura gjatë punës lidhur me Garancitë Sovrane, si dhe janë trajtuar 5 subjekte të cilët rezultojnë në vonesë të pagesës së kësteve, por për të cilët Bankat nuk kanë thirrur garancinë.
- ✓ Janë kontaktuar institucionet të cilat kanë nënshkruar marrëveshjet e nënshkruara dhe janë planifikuar takime për arritjen e një marrëveshje për kryerjen e pagesave.

- **Spektori i Informacionit dhe Administrimit të Dokumentacionit**

- ✓ Është rakorduar sistematikisht me Spektori e Monitorimit dhe Mbikëqyrjes së Skemave të Veçanta të Garancisë me si dhe me bankat e nivelit të dytë lidhur me:
 - 1.Gjendjen e principalit të paguar
 - 2.Gjendjen e principalit progresiv
 - 3.Stokun, për cdo muaj të Garancisë Sovrane GS1, GS2 dhe GS3.
- ✓ Është raportuar elektronikisht cdo muaj në strukturat përkatëse të Ministrisë si dhe kemi raportuar me shkresë për 3 mujorin e parë lidhur me Stokun dhe Principalin progresiv të garancive.

• **Sektori i monitorimit dhe mbikëqyrjes së skemave të vecanta të garancisë**

- ✓ Për 4-mujorin e parë nga sektori i monitorimit dhe mbikëqyrjes së skemave të vecanta të garancisë janë mbikëqyrur dhe monitoruar bankat e nivelit të dytë si më poshtë:
1. *Garancia Sovrane 1*, kanë ngelur kreditë të pa paguara për 4 subjekte në total 3 banka;
 2. *Garancia Sovrane 2*, monitorohen në total 12 banka të nivelit të dytë kun ë total janë 569 subjekte me numër kredie në total 615;
 3. *Garancia Sovrane 3*, monitorohen 3 banka me numër subjektesh në total 7 dhe numër total kredie 11.
-

DREJTOR I PËRGJITHSHËM
(i deleguar)
Risena Xhaja

